


# Portfolio atorlugu nalilersuineq



Portfolio  
atorlugu nalilersuineq



Atuartut  
angusaannik nalilersuineq



Atuartup imminut  
nalilersornera/naliliiffiginera



Atuartoq  
qitiutillugu ataatsimeeriaatsit



Una najoqqutassiaq saqqummersitanut  
sisamaasunut ilaavoq:


Portfolio atorlugu nalilersuineq  
Atuartut angusaannik nalilersuineq  
Atuartup imminut nalilersornera/naliliiffiginera  
Atuartoq qitiutillugu ataatsimeeriaatsit

Portfolio atorlugu nalilersuineq

Saqqummersitsisoq: Inerisaavik/Pilersuiffik, 2004  
Naliliisarnermut immikkoortortaqarfimmit  
Kalaallit Nunaanni atuarfimmuq naleqqussarlugu  
suliarineqartoq, Ministry of Education, British Columbiavit  
saqqummersinneqartut najoqqutatalugit.  
Ilioqqarnera: Inerisaavik/Pilersuiffik  
Naqiterisoq: Inerisaavik/Pilersuiffik  
Saqaani assiliisoq: LIL-Foto  
Amerlassusai: 2000  
Inniminn. nr.: 6127 - 01

ISBN 87-585-1111-3

# Portfolio atorlugu nalilersuineq




Portfolio Assessment-imit nutsigaq (Assessment handbooks series)  
Curriculum Development Branch, Ministry of Education, Victoria,  
British Columbia. 1994.

## IMARISAI

Tunnqavilersuutit . . . . .	6
„Portfolio atorlugu nalilersuineq“ sunaana? . . . . .	7
Sooq portfolio atorlugu nalilersuisoqassava? . . . . .	8
Portfoliolioriaatsit assigiinngitsut . . . . .	10
Portfoliomik suliaqarnissamut piareersarit . . . . .	12
Portfoliomik suliaqarlutit aallartigit . . . . .	14
Aaqquissuussineq . . . . .	18
Assersuutit . . . . .	20
Isumaliutigisassat . . . . .	22
Oqaatsit atorneqartut allassimaffiat . . . . .	23
Angusakka . . . . .	24

# Tunngavilersuutit



Atuarfitsialak atuartut suliaannik angusaannillu nalilersuisarnerit naliliisarnerillu pillugit periutsit allanngortinneqarnissaannik piumasaqaatitaqarpoq. Taamaattumik Canadami atuartut angusaannik nalilersuisarnerit pillugit najoqutassiat ukua, tuluttuumit suliareqqillugit nutserneqarput, taamaalillutik sulianik aalajangiiviusumik naliliinermi nalilersuinermilu periutsinik allanngortitseqataallutillu ineriartortitsinermut ilapertuutaasinnaaniassammata.


Najoqutassiat tullerriaat makkuupput:

1. Atuartup imminut nalilersornera/naliliiffiginera
2. Atuartoq qitiutillugu ataatsimeeriaatsit
3. Atuartut angusaannik nalilersuineq
4. Portfolio atorlugu nalilersuineq

Najoqutassiat paasiuminartuunissaat pillugu tamarmik immikkut nalilersuinerimi periutsinik aalajangersimasunik sammisaqarput, kisianni soorunami periuseq ataaseq kisiat immikkoortillugu atorneqarsinnaangilaq. Assersuutigalugu atuartup imminut nalilersornera/naliliiffiginera tassaa-voq, porfolio najoqutatat atorlugu nalilersueriaatsip ilaa pingaaruteqar- toq, taakkulu ataatsimut tamarmik atuartoq pillugu ataatsimiinnerup atuar- tumillu ataatsimeeqateqarnerup iluatsittumik pitsaasumillu ingerlanissaa- nut iluaqutaasinnaapput.

Najoqutassiat tamarmik inerniliinerit nassuiaataannik tunuliaqutaannillu, isumaliutissanik, aallarnisarnermilu isumassarsiorfiusinnaasunik assersuut- tinillu assigiinngitsunik imaqartinneqarput. Najoqutassiani tamani nali- lersueriaatsit assigiinngitsut imminnut attuumassuteqarneri ersarissaavigi- niarlugit innersuussutitaqartinneqarput.

# „Portfolio atorlugu nalilersuineq“ sunaana?



Portfolio atorlugu nalilersuineq tassaavoq; atuartut suliaannik assersuutis-  
sanik toqqartuinikkut katersinikkullu, atuartut ilisimasaannik ilikkarsima-  
saannillu naliliinissaq siunertaralugu periuseq. Periuseq atussagaanni pi-  
sariaqarpoq atuartut piviusumik suliaminnik toqqartuinnermut, piumasaqaa-  
tinillu aalajangersaanermut peqataanissaat kiisalu atuartut suliaminnik  
namminneerlutik nalilersueqataanissaat. Atuartut ilinniartitsisullu suleqa-  
tigiillutik atuartut portfoliooliaasa ilaat assersuutitut atorlugit atuartut ilik-  
karsimasaat naliliivigalugillu nalilersortassavaat, taakkulu tunngavittut  
atorlugit ilikkagaqariartormik ingerlateqqinnissaa anguniagassiorfiga-  
lugulu pilersaarusiortassavaat.

Portfoliooliaq tassaavoq siunertamut naapertuuttumik atuartut suliarisima-  
saannik katersuineq, tassani piffissap aalajangersimasup iluani atuartup su-  
liniarsimanera, siuariarsimanera angusaqarsimaneralu takuneqarsinnaas-  
salluni.


## **Portfoliooliap imarisinnaavai:**

- atuartup suliarisimasai aalajangersimasut toqqartukkat
- portfoliooliap imarisasaanik qanoq toqqartuinissamut ilitsersuut
- sulinerup ingerlanneqarneranik angusallu inernerinik naliliinissami piu-  
masaqaatit
- atuartup eqqarsaatai isumaliutigisartagaalu

*„Portfoliooliaq tassaavoq,  
inuup ilisimasaanik pigin-  
naasaanillu peqqissaar-  
tumik sulinikkut inummik  
ilisarititsineq“.*

**Black, 1993**

# Sooq portfolio atorlugu nalilersuisoqassava?



*Portfoliomik atuinerup atuartut kajumissaarpai, sunik qanorlu ilikkagaqarsimanerminnik – piffissap sivisuup ingerlanerani – oqaluttualioqqullugit.*

**Wolf, 1989**

*„...atuartut namminneq nukittuffigisaminnik sanngiiffigisaminnillu maluginnitarnerat paasinnitarneralu siuarsarnia-raanni, atuartut ilinniartitsisullu oqaloqatigiinneri, imminnut ikinngutimillu nalilersuineri kiisalu portfolioliaminnik misissueqqissaarneri aallaavigalugit kingumut qiviartoqarsinnaavoq. Atuartut namminneq suliaminnik ikinngutimillu suliaannik nalilersuisinnaanerisa ineriartortinnerat tassaasinnaavoq suniuteqarluartumik ilikkariornermut aqquutit ilaat.“*

**Case, 1992**

Portfolio atorlugu nalilersuinerup ilinniartitsisut, atuartut angajoqqaallu periarfississavai atuartup suliaannik naammasseriikkanik uppersaatitalinnillu takussutissiinnikkut atuartup ilikkarsimasai pillugit itinerusumik paasinninnissamut. Tamatuma saniatigut periutsip aammattaaq atuartut kaammattorpaalusooq, ilikkagaqarnissaminnut peqataanissaannut akisussaaqataanissaannullu.

## **Periuseq ilinniartitsisunut ima kinguneqassaaq:**

- nalilersuinerup atuartitsinerullu ataatsimoortinneqalernerannik
- ilinniartitsisut atuartullu suleqatigiinnissamut periarfissinneqarnerannik
- atortussat piviusut nalilersuinermi atugassat tigorianaannangornerannik
- atuartut ataasiakkaat angusaannik takussutissaqalerneq
- atuartut pillugit ataatsimiinnermi atortussanik najoqqutassaqalerneq
- nalunaarusiornerit karakteriliinerillu pillugit angajoqqaanut uppersaatitut takussutissaqalerneq
- anguniagassanut nutaanut tunngavissaqalerneq

## **Periuseq atuartunut ima kinguneqassaaq:**

- aqqissuussinermi aalajangigassanillu aalajangersaanermi piginnaasasanik ineriartortitsisinnaalerneq
- nammineq sulianik anguniagassiornermillu nammineq nalilersuinissamut periarfissaqalerneq
- ilinniartitsisut atuartullu akunnerminni suleqatigiinnissaannut periarfissaqalerneq
- nammineq ilikkagaqarnissap akisussaaffiginissaanut siuarsaasinnaalerneq
- atuartut, ilinniartitsisut angajoqqaallu ataatsimeeqatigiinnissaanni tunngavissaqalerneq
- nammineq piginnaasani ilisimasaqarneq paasisimasaqalernerlu
- ilikkagaqariatorneq qanoq pitsaanerpaamik ingerlasarnersoq


**Periuseq angajoqqaanut ima kinguneqassaaq:**

- nammineq meerarisap ilikkariartorneranut annerusumik peqataanerulerneq
- nammineq meerarisap ineriartorneranut malinnaajuarnissamut periarfissinneqarneq
- nammineq meerarisap piginnaasai ilikkagaalu pillugit toqqaannartumik nalunaarfigitinneq
- nalilersuinerit nutaanillu anguniagassiornerit pillugit piviusunik paasisutissinneqarneq
- atuartut, ilinniartitsisut angajoqqaallu ataatsimeeqatigiinnissaanni tungavissaqalerneq

*„Nivarsiaqqat portfolioliatik assut tanngassimaarutigat assullu takutikkusullugit. Soqutiginarpoq takullugu panimma namminneq suliatic qanoq isumaqarfigineraat qanorlu isumaqartitsigineraat.“*

**Angajoqqaat  
Canadamiut, 1993**

# Portfoliolioriaatsit assigiinngitsut



*„Portfolio saqqummersi-tassatut katersaannaanngilaq. Oqaloqatigiinnermi aallaaviussaaq. Apeqqutaallunilu oqaloqatigiinneq sumut ingerlatinneqarnersoq (suut oqallisaanersut), portfolio assigiinngitsorpassuarnik immerneqarsinnaavoq.“*

**Murphy amma Smith,  
1990**

Portfoliop imarisinnaasai amerlanertigut immikkoortunut pingasunut immikkoortiterneqarsinnaapput: „maannakkut atortut“, „saqqummiussassat“, amma „katersukkat“.

- **Portfolioliat maannakkut atortut** tassaapput atuartup suliaminit takutitassatut katersai taarseraattut, atuartup nammineq toqqartorsimasai, taakkulu atuartup suliniarsimaneranik, siuariaataanik, angusaasa inernerinik isumaliutigisimasaanillu ersersitsiniutitut atorneqassapput. (Assersuutit: Allattariarsornermi suliat, assit, nammineq nalilersuinerit, il.il.)
- **Portfolioliat saqqummiussassat** imarisinnaavaat takutitassat ilinniartitsisut atuartulluunniit toqqartorsimasaat. Imarisaat tassaassapput atuartup suliarisimasaanit assersuutit takutitassat, atuartup ilikkagarisimasaanik ineriartorneranillu takutitsisut, saqqummiunneqarnissaallu siunertaralugu toqqartorneqarsimasut. Aammattarli imarisinnaavaat atuartoq pillugu ataatsimiittarsimanermeersut, ukiup affakkaartumik misilitsinnermiit oqaaseqaasiat karakterillu, suliffimmik misiliinermiit oqaaseqaatit il.il.
- **Portfolioliatut katersukkat** atuartup ilikkagaanit takutitassatut toqqartugaapput, qulaani taaneqartuninngaanneersuullutik, ukiumilu tulliuuttumi ilinniartitsisorisassaanut ingerlateqqitassaallutik. Aammattaaq imarisinnaavai atuartup karakterii, nalunaarutit atuariullu atuartoq pillugu paasissutissartaasa ilaat. Siunissami atorfininnissami atorneqarsinnaassaaq imaluunniit ilinniartinnit ingerlaqqiffiusuni atorneqarsinnaassalluni. Portfolioliap inaarlugu naammassisimasup imarisai ilinniartitsisumit atuartumillu suleqatigiissutigineqarsimassapput, kisianni naggataagut akuersissutigineqarnissaa ilinniartitsisup pisussaaffigaa.



## Portfolioliassamik pilersaarusiorneq

Portfolio	Siunertaq	Imarisai	Atuisut/saaffigisat
Maannakkut atortut	<ul style="list-style-type: none"> <li>• atuartut suliaminnik nalilersuinerinik naliliinerinillu ikiussallugit</li> <li>• atuartut ilikkariartornermi qanoq inneranik paasinnilernissaannik ikiussallugit</li> </ul>	<ul style="list-style-type: none"> <li>• atuartitsissutini kattuatakkani ataasiakkaaniluunniit atuartut suliaannit assersuutitut takutitassiat assigiinngitsorpassuit</li> </ul>	<ul style="list-style-type: none"> <li>• atuartoq ilinniartitsisorlu</li> </ul>
Saqqummiussassat	<ul style="list-style-type: none"> <li>• atuartut ilikkagaat pillugit oqaloqatigiinnermi tapertatut iluaqutissat</li> </ul>	<ul style="list-style-type: none"> <li>• assersuutit toqqakkat, atuartup suliaanit takussutissatut toqqartukat ikittunnguit</li> </ul>	<ul style="list-style-type: none"> <li>• ilinniartitsisut</li> <li>• angajoqqaat</li> <li>• siunissami sulisitsisorisassat</li> <li>• ilinniarfiit ingerlaqqiffiusut</li> </ul>
Katersukkat	<ul style="list-style-type: none"> <li>• ilinniartitsisut atuartut ilikkariartornermimi killiffinik ilisimanninnissaannik ikiortissat</li> <li>• atuartitsissutissanik pilersaarusiorneermi iluaqutissat</li> </ul>	<ul style="list-style-type: none"> <li>• atuartut suliaat assersuutissatut toqqartukat</li> <li>• karakterit nalunaarusiallu allat</li> </ul>	<ul style="list-style-type: none"> <li>• siunissami ilinniartitsisussat</li> <li>• allaffissornikkut sulisut</li> <li>• siunissami sulisitsisussat</li> <li>• ilinniarfiit ingerlaqqiffiusut</li> </ul>



Portfoliolioriaatsit assigiinngitsut pingasut imarisat, taakku arlaannut tamanut nuunneqarsinnaapput.

# Portfoliomik suliaqarnissamut piareersarit



Atuartut portfolioliornerminni namminneq toqqa-gassaannik arlalinnik piareersimatitaqarit.

„Portfolioliap imarisariaqarpai atuartup nammineq oqaluttuarinninnera: Suliat imarisai qanoq suliarisimanerlugit sunillu ilikkagaqarsimanerlutik. Atuartup nammineq ilikkakkani pillugit allaaserisai portfolioliap imarisariaqarpai naleqarnerpaat.”

**Black, 1993**

## Inimi atuartitsiviusumi periutsit

Portfolio iluaqutitut atorlugu ilikkariartorneq nalilersuisarnerlu ilinniartitsinerup ilaatut ilaalissappat, pisariaqarpoq klassimi periutsit siuarsaataasut makku ilinniartitsisup pilersissimassagai:

- atuartut qinigassanik toqqaasinnaanerat/namminneq aalajangiisinnaanerat (imminut aqunneq)
- ilikkagassanik assigiinngitsorpassuarnik periuseqarluni saqqummiussisarnissaq
- atuartut ataasiakkaarlutik namminneq suleqatigiillutillu sulisinnaanis-saat
- isumassarsianik immersoqatigiissinnaaneq
- kukkunissaq qunuginagu sulisinnaaneq

Taamatut periuseqarfiusumi atuartut imminnut nalilersornissaminnut, anguniagassiornissaminnut portfolioliaminnullu atortussanik ujartuinis-saminnut periarfissaqartuarnissaat ilinniartitsisup isumagiuarsinnaassavaa. Aallaqqaammut ilinniartitsisoq aaqqissuussisuusariaqassaaq, kisiannili atuartut ilinniartitsisullu portfoliomik suliaqarnermik sungiussiartornerat ilutigalugu, atuartut namminneq aalajangiisinnaanerat qinigassanillu toqqartuisinnaanerat pilersaarusiornermut ilanngukkiartuaartinneqarsin-naapput. Klassimi periutsit inuttut nammineq nalilersorsinnaaner-mut anguniakkanillu aalajangiisarnissamut siuarsaaner-mut sunniuteqartarput; tassa portfolio atorlugu nalilersuiner-mik suliaqarnerup immikkoortui pingaarutillit marluk.

## Imminut nalilersorneq

Imminut nalilersorneq portfoliomik suliaqarnerup tunngaviisa ilagaat. Atuartut namminneq suliaminnik namminnerlu suleriaatsiminnik pinngit-sooratik misissueqqissaarsinnaasariaqarput ilikkagaqariartornermik ingerlateqqinnissaani anguniagassiorlutillu piumasaqaatinik aalajangersaasin-naassagunik. Imminut nalilersorneq ataavartumik ingerlanneqarpoq, tas-sani atuartoq nammineq imminut pilluni, nammineq angusaminik, su-liaminik inernerinillu, nammineq suliniarnerminik ilikkagaqarniarnermi-nullu isummersimanerminik nammineq atuartutut isumaliutiginnittussaal-luni.

## Portfolio atorlugu imminut nalilersorneq

Ateq: \_\_\_\_\_ Ulloq: \_\_\_\_\_

Nalilersuineq una suliarisinnaajumallugu, piffissaq portfolio-liavit imaata sivisoqataa aallaqqaataaniit kingumut eqqarsaatigissavat. Suut iluatsissimanerlugit, suut pikkoriffiginerulersimanerlugit suullu pikkoriffiginerulerusunerlugit eqqarsaatigikkitt:

Suut iluatsippat:

Assersuut:

Suut pitsaanerulerpat:

Suut pitsaanerulertariaqparpat:

## Portfolioliap imarisaata saqqaa

Ateq: \_\_\_\_\_ Ulloq: \_\_\_\_\_

Sammissaq: \_\_\_\_\_

### Atuartup oqaaseriumasai:

Matumannga suliaqarniarlunga toqqaasimaninnut tungavigisakka marluk:

Piumasaraara malugissagitit:

Tulliani imaaliussaanga:

Oqaaseriumasat allat:

Atsiortoq: \_\_\_\_\_ Ulloq: \_\_\_\_\_

### Ilinniartitsisup oqaaseriumasai:

Maluginiakkakka pitsaasut marluk:

Illit suliniarfiginerusariaqakkat:

Oqaaseriumasat allat:

Atsiortoq: \_\_\_\_\_ Ulloq: \_\_\_\_\_

Takuuk aamma: Atuartup imminut nalilersornera/naliliiffiginera.


## Anguniagassiorneq

Anguniagassiorneq tassaavoq portfolio atorlugu sulinerup ilaa pisariaqar-toq. Atuartut portfolio-liamik imarisaat isummerfigisinnaasariaqarpat, taamaalillutik pitsaanerusunik angusaqassagunik, portfolio-liaminni suut pitsanngorsartariaqarnersut anguniakkallu suut anguniartariaqarnersut takusinnaasariaqaramikkitt. Portfolio-liorluni sulinerup atuartut piffissami siusinnerusumi suliarisimasaminnut uterfiginninnissaannut periarfissippai aamma siunissami ilikkagassaminnik anguniagassiornissamut imaluunniit anguniagassioqqinnissamut periarfissinneqassapput.

Atuaqatigiit iluini atuartut ataasiakkaat portfolio-lianni anguniagassiat assigiinngissinnaapput



# Portfoliomik suliaqarlutit aallartigit



Portfolio atorlugu sulinissamat pilersaarusiornermi immersugassaq

Sammisassaq: \_\_\_\_\_

\_\_\_\_\_ Ulloq: \_\_\_\_\_

Siunertaq:

Ilitsersuineq:

Naliliinermi piumasaqaatit:

Atuartup isumaliutersuutai:

*„Portfolio atorlugu nalilersueriaaseqarluni sulineq uanga atuartitseriaatsinnut nalileeriaatsinnullu nutaanngorsaataasimavoq, inuunerlu naallugu ilinniartuarnissannut periusissannik tunisimavaanga“.*

**I linniartitsisoq  
Canadamioq, 1993**

Portfolio atorlugu nalilersueriaaseq sisamanik toqqammaveqarpoq:

- imarisaasa siunertaat allassimasariaqarput
- imarisaannut ilitsersuusiortariaqarpoq
- naliliinermi piumasaqaatissat ineriartortittariaqarput
- atuartut namminneq isumaliutiginninnissaat periarfissittariaqarpoq

Periuseq atussagaanni pisariaqarpoq, sulinerup ingerlanerani tunngavinnut sisamanut atuartut tamarmik peqataatinneqarsimanissaat. Allaqqaammut ilinniartitsisoq aaqqissuussisuusariaqarpoq, kisiannili portfoliop immikkoortuinik assigiinngitsunik suliaqarnermik atuartut ilinniartitsisullu sungiussiartornerat ilutigalugu, atuartut annerusumik namminneq aalajangiisinaanissaat toqqaasinnaanissaallu sulinerumut ilanngutsinneqarsinnaapput.

## Imarisaasa siunertaat

Suliap ilaa pingaaruteqartoq tassaavoq, suliap suna siunertarissaneraa aalajangissallugu. Atuartup portfolioliaata sumut atorneqarlunilu suna takutinniassaneraa ilinniartitsisup erseqqissumik paasisimasariaqarvaa (takkuuk immikkoortoq; „Sooq portfolio atorlugu nalilersuisoqassava?“ q. 8). Portfolio atorlugu suleriaaseq arlalinnik siunertaqarsinnaavoq, ataatsimullu katitikkamik tunngavilersuusiortoqarsinnaassalluni. Assersuutigalugu makku siunertatut aalajangiunneqarsinnaapput:

- nalunaarusiornermi karakteriliinermilu tunngavittut atorneqarsinnaasunik pilersitsinissaq
- atuartup ilikkagaqariartornissaminut akisussaaffeqarneranik siuarsaanis-saq

Siunertanik aalajangersaanermi kikkut saaffigineqarnersut taassallugit pingaaruteqarpoq: ilinniartitsisut, atuartut, ikinngutit, angajoqqaat ilinniagarfarfiilluunniit allat il.il. Ilinniartitsisullu aalajangersinnaavaa portfolio qanoq ittoq siunertamut tulluuttuunersoq, atuartitsissutissatullu pilersaartip ilaa sorleq aallaavigalugu sulisoqassanersoq.

## Imarisaanut ilitsersuutit

Portfoliolornermi ilitsersuummi atuuttumi aalajangerneqarsinnaavoq, atu-artup suliai tamarmik portfolioliap imarissagai. Atuartut sungiussiartor-tillugit ilitsersuutit imarisaat annertusiartortinneqarsinnaapput. Ilinniartitsisoq atuartullu suleqatigiillutik imarisaanut ilitsersuusiorsin-naapput.

### Portfoliomi ilitsersuutit imarisinnaasaanik assersuutit

- Portfoliop imarisai tulleriinnilersorlugit allattussavatit
- Fagimi ataatsimi faginiluunniit qanitariissuni suliannut assersuutit toqqaasaatit
- Fagini ataasiakkaani suliannut assigiinngitsunut assersuutit toqquartuissaatit (ass. nalunaarsiat, nalunaarsukkat, misiliinernit assit, allattariarsorluni suliat)
- Piffissani assigiinngitsuni suliatit assigiit, assersuutit katersiffigalugit toqquartuiffigissavatit



- Ilitsersuinermit naliliinermillu piimasaqaatinik allanngisoqartil-lugu ilikkagassat im-mikkualuttortaannik assigiinngitsunik taku-titsiniarnermi atuartup suliaa ataaseq ator-neqarsinnaavoq.
- Portfolioliap imarisaat nutartertuarneqarsin-naapput ilitsersuutit naliliinermillu piimasaqaatinik nutaaliortuar-nikkut, taamaalluni atuartuq nutaanik su-liassaqartuassaaq su-liareriikkallu piarsin-naallugit.

Takuuk aamma: Atuartup imminut nalilersornera/naliliiffiginera.

### Portfoliop imarisai

Ateq: \_\_\_\_\_

Assersuutit allassimaffiat	Ulloq	Kina toqqaava
1		
2		
3		
4		
5		
6		
7		
8		
9		
10		

### Portfolioliat allattorsimaffiat

Ateq: \_\_\_\_\_ Ulloq: \_\_\_\_\_

Ulloq	Atuartsissut	Imarisaa



## Naliliinermi piumasaqaatinik inerisaaneq

Atuartut namminneq ilikkagaqarnissaminnut akisussaasutut misigisimalersinnissaannut periutsit ilagisinnaasaat tassaavoq, sulianut ingerlatanut nalilersuinermit naliliinernullu peqataatinneqartarnissaat. Atuartut siuariaatiminnik angusamillu inernerinik naliliinissami piumasaqaatinik inerisaanermit peqataagaangamik, taava makkunangga pitsaanerusemik paasinnilersarput:

- atuartitsissutini aalajangersimasuni suut naleqarlutillu pingaaruteqartuunersut
- namminneq suliannik atuaqatimillu suliannik naliliinnaalernermik
- atuartitsinermi atuartitsissutit imarisaannik suliqaarnermi namminneq pingaaruteqarnerminnik
- namminneq portfolioliamik imarisaanik qanoq qaqugulu naliliisoqassanersoq


## Atuartut namminneq isumaliutersornissaannik periarfissiineq

Atuartut namminneq isumaliutersornermikkut namminneq ilikkariartornermik ingerlaasaa takusinnaalissallugu periarfissaqalissapput. Ilinniartitsisut atuartullu unikaallallutik ilikkagaqariartornerup iluani sumiissimanertik, sumunnarniarnertik qanorlu anguniagartik angussaneritsik eqqarsaatigisinnaavaat.

Atuartut isumaliutigisassa at qarsaatersuutigisassaallu:

- takusinnaalersinniarsariuk kukkuneq kukkusinnaanerlu qunuginagu sulusinnaaneq ineriartoqqinnissamut periarfissiisinnaammata
- namminneq piginnaassutsiminnik tatiginninnissaminnut ineriartuutigisagaat
- nalungeriikkanik nalusanillu isiginiarnermikkut suleriaatsiminnik pitsanngorsaatigisagaat
- ilikkagaqarnissamik akisussaaffigisutut pigisutullu misigisimanissaanut siuarsaatigisagaat
- nammineq pilluni paasinnittaatsimik piviusorsiortumik ineriartortitsinermut iluaqutigisagaat
- inuttut namminneq naleqassusertik ineriartortissagaat

Portfolioliami atuartup nammineq isumaliutersuutai ilanngullugit imaritillaqqunarput.



Atuartut amerlasuut namminneq ilikkagaqarniermik isumaliutigisimannissaa siornatigut misilissimangilaat taamaattumillu aallaqaammut nuanniitsutut misigisimasavaat.

Nalilersuivigineqarneq avataaniillu isummorsorfigineqarneq sungiusimavaat namminerlu imminut nalilersorneq sungiusimanagu. Taamaattumik naammagittarlutillu atuartuutitit naammagittarnierfigikkit.

Isumaliutigisassat	
Ateq: _____	Ulloq: _____
Pilersaarutigat:	
Imaaliorpunga:	
Isumaqarpunga:	
Pissutigalugu:	
Ilinniartitsisup oqaaseriumasai:	

Isumaliutigisassat	
Ateq: _____	Ulloq: _____
Suliat ilanngussat (Allattaaviit, titartakkat, nalunaarsuutit)	
Suliami uani takutippakka	
<input type="checkbox"/>	Kukkunissamat qununnginneq
<input type="checkbox"/>	Piumassuseq
<input type="checkbox"/>	Suliamat ingerlanera
<input type="checkbox"/>	Pitsanngoriaatsikka
<input type="checkbox"/>	Suleqateqarnera
<input type="checkbox"/>	Eqqarsaatikka
<input type="checkbox"/>	Ilimagisimanngisakka
<input type="checkbox"/>	Uannut pingaaruteqartut
<input type="checkbox"/>	Allat _____
Pingaartumik maluginiakkit:	
Tulliani suliarerusuppakka:	
Atsiortoq: _____	

### Atuaqatigiit ilinniartitsisuiut

Atuartitsissutit assigiinngitsut kattullugit, aalajangersimasumik suliaqarluni qulequttanillu aalajangersimasunik sammisaqarluni portfolioliulinnginnermi pingaaruteqarpoq, ilinniartitsisusut akunnerminni kiap suna suliarissagaa aallaqqaammulli erseqqissumik isumaqatigiissutigereersimassagaat.

#### Pilersaarusionermermi


Pilersaarusionerup nalaani ilinniartitsisut akunnerminni siumoortumik ataatsimiittarnissatik piffissalersoreerlugit isumaqatigiissutigeriissavaat. Aammalu ilinniartitsisut qassit portfolioliorneq ingerlatissaneraat isumaqatigiissutigereersimassavaat:

- ilinniartitsisut akunnerminni kiap aallartisarneq akisussaaffigissavaa?
  - anguniakkat, pilersaarusionermeq, atortussat
- suliat ingerlanerani kina nakkutiginnittuussava?
  - ilitersuisassava, apeqqutinut akisassava, tapersersuisassava
- kina naggasiisuussava?
  - qanoq, nalilersuineq, anguniakkat nutaat
- atuartut suliaasa portfolioliatut katersorneqarnissaat kia isumagissavaa?
- kiap saqqummiussineq ilisarititsinerlu isumagissavai?

*„Uanga isumaqarpunga portfolioliorneq ilinniarnerusoq pitsaasoq. Piffissaq sivirusjaaq qaangiuppat sulerisimanerluni takuneqarsinnaalersarpoq namminerlu suliat allanngoriartorsimaneri takuneqarsinnaalertarluni.“*

**Atuartoq  
Canadamioq, 1993**

# Aaqqissuussineq



Atuartitsinermi portfوليوp ilisaritinnissaa ilinniartitsisup ima piareersarfigisinnaavaa:

- periuseq pillugu atuartut sunik ilisimasaqareersut paasiumallugu atuartunik oqaloqateqarsinnaavoq
- portfوليوlianik (ilumoortunik) assersuutissannik takusassiisinnaavoq
- qanoq aallartinnissaat aamma ilitersuutit naliliinermilu piunasaqaattissat oqaasertalersornissaat qanoq suleqatigiissutigisinnaaneraat atuartullu oqaloqatigiissutigisinnaavasi
- portfوليوliap aqunneqarmissaa pillugu atuartunik oqaloqateqarsinnaavoq
  - nalunaarsukkanik ujarliutinik/imarisaanik atuineq
  - imarisaasa tamarmik ullulersorneqartarnissaasa pingaartuunera
- sulianit assersuutissat takutitassat qaqugu portfوليوmut ilanngunneqarinnissaat pillugu aalajangersaasinnaavusi
- suliat assersuutit takutitassat qaqugu ilaneqarsinnaanersut, peerneqassanersut imaluunniit allanik taarserneqassanersut aalajangersarsinnaavasi
- portfوليوp atorneqartarnera pillugu angajoqqaat oqaluttuussinnaavasi

## Portfolio pillugu angajoqqaat immersugassaat

Atuartup aqqa: \_\_\_\_\_ Ulloq: \_\_\_\_\_

Meeqqama portfوليوliani malugisakka:

Uku annerusumik paasisaqarfigerusuppakka:

Atsiortoq: \_\_\_\_\_

## Portfolio pillugu angajoqqaat immersugassaat

Atuartup aqqa: \_\_\_\_\_ Ulloq: \_\_\_\_\_

Meeqqama portfوليوliata takunissaa sioqqullugu takusallugit ilimagisimagaluarpakka:

Nuannaarutigalugit takusakka:

Pitsanngoriaatit ukunani malugivakka:

Uku aamma takorusukkaluarpakka:

Atsiortoq: \_\_\_\_\_

### Imarisaata paasissutissartai

- Essay-it (allaaserisat naatsut)
- Allattariarsornikkut saqqummiinerit
- Aalajangersimasumik qulequtaqarluni suliat
- Misiliutit (test)
- Nalorsitsaarutit (quizz)
- Fysikkimi nalunaarusiat
- Allattaaviit
- Saqqummiinerit
- Isumaliutigisimasanit assersuutit
- Oqaloqatigiinnerit
- Oqallinnerit
- Logbogi

### Toqqorsivissat

- Mappit assigiinngitsut
- Illerfiusat matusartut
- Karsit
- Ilitsiviit
- Atuagaaqqat allattaaviit

*„Portfoliomik sulineq tas-saavoq ineriartornerup ingerlarnga. Angakkuaatinik malitassaqqanngilaq. I linnartitsisutut atuartit navianartorsioqatigisarnissaat piareersimaffigisariaqarpoq. Atuartut eqimattakkuutaat atassikkaallu assigiinngitsut portfoliomik sulinerisigut periarfissanik takunnilleneq misigisaavoq nuannersoq.“*

**I linnartitsisoq  
Canadamioq, 1993**

## Paasissutissat aamma toqqorsineq


### Katersugaatit

- Videobåndit
- Cd-it
- Qalipakkat, titartakkat, missingersuutit
- Eqqaamasassat
- Imminut nalilersukkanut immersukkat
- Suliat assersuutit, takutitassiat
- Assit
- Nipit immiussat
- Computer, cd-it iml.diskett-it toqqorsiviit

### Piffissami sivisunerusumi toqqorsiviit

- Karsersuit
- Illerfiusat plastikit
- Nalunaarsukkanik toqqorsiviit

# Assersuutit



## Ilinniartitsisut Canadameersut assersuusiat marluk

### Portfolio saqqummiussassaq

Inuiaqatigiilerineq - 10. klasse

#### 1. Siunertaq

- Piffissap ingerlareersup iluani atuartitsissutigineqartut ilaat ataasiakkaat paasisimanagerlugit atuartut takutissavaat
- Atuartut, ilinniartitsisut angajoqqaallu akunneranni oqaloqatigiissinnaaneq siuarsarneqassaaq

#### 2. Suliassamik aqqissuussineq

- Mappi aamma computeri

#### 3. Ilitsersuineq

- Suliat naammassilluinnarsimasut kisiisa
- Qulequttanit tamanit assersuut ataaseq atuartup paasinnissimanagernik takutitsisoq
- Assersuutaasinnaapput suliassiissutit, aalajangersimasumik qulequtarluni sammisaq, eqimattakkaarluni suliat, misilitsinnerit il.il.

#### 4. Atortussanik toqqartuinerit

- Suliat atuartut toqqagaasa atuartitsissutip imarisaanik paasinnissimanagernik takutissavaat
- Suliaq eqimattakkaarluni sulinerup ilagippagu, fotokopiikkat akuerineqarsinnaassapput

#### 5. Portfolioliamik takunninnissamut akuerisaasut

- Portfolioliaq atuaqatigiit inaanni toqqorsimassaaq
- Taamaallaat ilinniartitsisut, atuartut aamma angajoqqaat

#### 6. Piffissaq

- Qulequttani aalajangersimasuni atuartut suliaat atuartitsinerup naalernerani toqqartorneqassapput
- Piffissap atukkap naalernerani atuartup portfolioliaa ilinniartitsisumit misissorneqassaaq
- Piffissap atukkap naalernerani angajoqqaanut saqqummiunneqassaaq
- Ukiup atuarfiusup naanerani atuartup portfolioliani toqqussavaa

## Portfolio-maannakkut-atuuttoq

### Portfolio -maannakkut - atuuttoq

Ukioq manna portfolio atorsimavara, pissutigalugu atuartut namminneq suliaminnik nalilersuisinnaaniassammata ukiullu atuarfiusup ingerlanerani si- uariaatigisimasaminnik malugisaqarsinnaaniassammata.

#### Suna iluatsippa:

- Atuartut sammisassap imarisaanik toqqaasinnaanertik nuannaraat inernerilu tanngassimaarutigisarlugit
- Atuartut namminneq suliaminnik nalilersuisinnaanertik pitsaannerusumik piginnaasaqarfigilerpaat, tamatumalu misigisimalersippai pisussaaffe- qartilerlugillu pitsanngoriaatiminnik takutitaqarnissamut
- Meeqqat karakteriminnik angerlaassinissaat sioqqullugu, angajoqqaat meeqqamik portfolioliat takussallugit nuannareqaat, misigisimasarpul- lu angajoqqaanik oqaloqatiginninnissamut pitsaannerusumik piareersar- simallutik.
- Uanga karakteriliinissanni atugassannik paasissutissannik piviusunik pissarsivunga

#### Ajornartorsiutit ilaat:

- Atuartut suliamik portfolioliaminnut iliorarnissaannut piffissaaleqisarput
- Atuartut suliaminnik naliliineranni anguniagassiorniarnerrannilu imaqar- luartumik ikiorniarnissaat ajornartorsiutaasarpoq


#### Suut allaanerusumik ingerlatissagaluarpakka:

- Portfoliomik suliaqarneq pilersaarummi piffissalerlugu ilanngussimas- sagaluarpara
- Imarisasaanut assersuutini akulikinnerusumik katersissaanga, atuar- tullu sorlernit qinersissanersut erseqqissarnerullugu
- Imarisaanut ilanngussassanik nammineq toqqartuinerusimassagaluar- punga
- Anguniagassioqneq piffissaqarfiginiarnerusimassagaluarpara atuartullu namminneq suliaminnik qanoq naliliinissaat pillugu toqqaannarnerusu- mik atuartissimassagaluarlugit

#### Naggasiut/Inerniliineq:

- Taamatut suliaqarfigissaanga

# Isumaliutigisassat




Portfolio tassaavoq atuartut suliaannik siunertamut tulluartunik katersukkat, piffissap aalajangersimasup iluani atuartup suliniarsimanageranik, siuariaataanik angusaasalu inernerinik ersersitsisusoq. Periutsimi atuartut ilikkagaqarnissaminnut namminneq akisussaaffeqarnerat pingaartinneqarpoq, tamannalu suliap ingerlanneqarnerani namminneq nalilersueqataasarnerat aamma piumasaqaatissanik anguniagassanillu aalajangersaaqataasarnerat aqputigalugu pisarpoq.

*„Uanga nalilersuiner mi piumasaqaatissat tamaasa tulleriinnilersorlugit allattoreersimavakka, pappiaqqamullu ilivitsumut suliaassat tamaasa nalunaarsoreersimallugit. Atuartut piumasaqaatit allattorsimaffiat misissuataartussaavaat suliarisimasaminniillu assersuutit takutitassat sisamat toqqartussaallugit taakkununga ilanngullugit uanga toqqarsimasakka suliaassutissat marluk toqqartussaavaat. Suliaassatut toqqarneqartut assigiaaginnaratik allannorartuuniar-tussaapput eqqarsarluarsimanerlu takutinniartussaavaat. Atuartut suut toqqarsimanerlugit aamma sooq taakku toqqarsimanerlugit nassuiarniartussaavaat. Naqqissugassanik naqqissuisinnaallutillu allatut allaqqiisnaapput taakkulu sooq kukkuniarsuunissaq pisaria-qarnerisooq pillugu isumaliutigisimasaminnut ilanngullugit, suliareqqaarnerinut ilanngullugit ilisinnaavaat. Atuartut portfolioliatik nuannareqaat. Misigisimapput kusanarpallaanngitsunik suliaqarsimagaluarlutik, pillagaanatik suliatik suliarisinnaallugit. Namminneq aalajangiisinaanertik nuannareqaat aamma suliamik suna pitsaanerpaartarineraa namminneq aalajangersinnaagamikku nuannareqaat.“*

**Stenmark, 1991**

# Oqaatsit atukkat allassimaffiat



## **Nalilersuineq**

Atuartut ilikkariatoneri, ilisimasaat, sunik piginnaasaqarneri, sunillu iliuuseqarniartarneri pillugit ilisimasani katersuinikkut aqqissugaasumik suleriaaseq.

## **Naliliineq**

Atuartut ilikkagaat pillugit nalilersukkanit katersukkat nassuiaatitut atorlugit aalajangigassanik aalajangiillunilu naliliineq. Ilinniartitsisoq atuartorlu tamarmik immikkoorlutik imaluunniit akunnerminni suleqatigiillutik naliliinertik ingerlassinnaavaat.

## **Angusaniq nalilersuineq**

Tassaavoq atuartut piginnaasaminnik takutitsinerat tunngavigalugu nalilersuineq. Aammattaaq suliassiissutit ataasiakkaat angusaqarfigineqarnerinik nalilersuineri nassuiaatitut oqariartaaseq taanna atorneqartarpoq. Nalinginnaanerusumik sulinerup ingerlanerani inernerinillu nalilersuineri nassuiaanermi atorneqarsinnaavoq.

## **Portfolio**

Siunertamut naapertuuttumik piffissallu aalajangersimasup iluani atuartup suliniarsimanerani, siuariaataanik suliallu inernerinik ersersitsisunik, atuartut suliarisimasaannik katersat.

## **Portfoliomik nalilersuineq**

Periusaavoq atuartut ilisimasaannik ilikkarsimasaannillu naliliinissaq siunertaralugu atuartut suliarisimasaannik ataatsimut katersuineq.

## **Nalunaarusiaq karakteriliinerlu**

Ileqqussanik malittarisassanillu aalajangersakkanik tunngavilinnik aalajangiiviusumik nalilikkaniq naliliinernillu saqqummiussinerit. Tamanna nalunaarusiornikkut siumut piareersariikkamik pisinnaavoq imaluunniit iluarinerusamik iliornikkut pisinnaavoq.

## **Atuartup inuttut imminut nalilersornera/naliliiffiginera**

Atuartup piffissami ingerlaavartumi nammineq imminut atuartut angusaminik, suliaminik inernerinillu, sulianut isummersornerminik ilikkariatornerminillu eqqarsaatiginninnermigut imminut ilisarileriatornissaa.

## **Atuartoq qitiutillugu ataatsimiinneq**

Atuartup atuarnera/ilikkariatornera pillugu ilinniartitsisoq/sut, angajoqqaat atuartullu ataatsimeeqatiginnerat.

Takukkit aamma: Angusakka

